



ეროვნული თავდაცვის აკადემია NATIONAL DEFENCE ACADEMY

საბაკალავრო ნაშრომის მომზადების, წარდგენის და დაცვის ინსტრუქცია

მუხლი 1. საბაკალავრო ნაშრომი

1. საბაკალავრო ნაშრომი წარმოადგენს თეორიული და/ან პრაქტიკული ხასიათის ნაშრომს, რომელიც უნდა შეასრულოს იუნკერმა მე-6 სემესტრში და დაიცვას საკვალიფიკაციო კომისიის სხდომაზე;
2. საბაკალავრო ნაშრომი წარმოადგენს იუნკერის მიერ ინდივიდუალურად შესრულებულ სამუშაოს;
3. საბაკალავრო ნაშრომის მიზანია სწავლის პროცესში მიღებული ცოდნის სისტემატიზაცია - დარგობრივი ცოდნის თუ პრაქტიკული უნარ-ჩვევების გამოვლენა;
4. საბაკალავრო ნაშრომზე დაშვების წინაპირობა განსაზღვრულია საბაკალავრო ნაშრომის სილაბუსში.

მუხლი 2. საბაკალავრო ნაშრომის თემა

1. საბაკალავრო ნაშრომის თემას იუნკერი ირჩევს მე-6 სემესტრის დაწყებიდან 2 კვირის ვადაში ბაკალავრიატის მიერ განსაზღვრული თემატიკის ფარგლებში;
2. ნაშრომის თემის არჩევის შესახებ იუნკერი შესაბამისი განცხადებით მიმართავს მიმართულების ხელმძღვანელს. განაცხადში (დანართი N1) მითითებული უნდა იყოს თემის სახელწოდება და ნაშრომის ხელმძღვანელი;
3. საბაკალავრო ნაშრომის თემას ამტკიცებს ბაკალავრიატის საბჭო, რის შესახებაც ფორმდება შესაბამისი ოქმი;
4. საბაკალავრო ნაშრომის თემის შეცვლა ან სათაურში ცვლილებების შეტანა დასაშვებია საბაკალავრო ნაშრომის თემის დამტკიცებიდან არა უგვიანეს ერთი თვის ვადაში და ხელმძღვანელის წარდგინებით მტკიცდება ბაკალავრიატის საბჭოზე.

მუხლი 3. საბაკალავრო ნაშრომის ხელმძღვანელი

1. საბაკალავრო ნაშრომის ხელმძღვანელი მტკიცდება ბაკალავრიატის საბჭოზე, რის შესახებაც ფორმდება შესაბამისი ოქმი;

2. საბაკალავრო ნაშრომის ხელმძღვანელად შეიძლება დამტკიცდეს ბაკალავრიატის პროფესორი, ასოცირებული პროფესორი, ასისტენტ პროფესორი. შესაძლებელია ნაშრომის ხელმძღვანელად დამტკიცდეს დოქტორის ხარისხის მქონე მოწვეული სპეციალისტი;
 - ა) საბაკალავრო ნაშრომის ხელმძღვანელად, საგანმანათლებლო პროგრამის სპეციფიკის გათვალისწინებით, ბაკალავრიატის საბჭოს არგუმენტირებული წარდგინების საფუძველზე, შეიძლება დამტკიცდეს დოქტორის ხარისხის არმქონე პირი, რომელიც გამოირჩევა დარგში მოღვაწეობის პრაქტიკული ან/და თეორიული გამოცდილებით და შესაბამისი კვალიფიკაციით;
3. საბაკალავრო ნაშრომის ხელმძღვანელად, საგანმანათლებლო პროგრამის სპეციფიკის გათვალისწინებით და ბაკალავრიატის საბჭოს არგუმენტირებული წარდგინების საფუძველზე, შეიძლება დამტკიცდეს შესაბამისი მიმართულების უფროსი;
4. ხელმძღვანელი დახმარებას უწევს იუნკერს ინდივიდუალური სამუშაო გრაფიკის და ნაშრომის სტრუქტურის შედგენაში, ბიბლიოგრაფიის დამუშავებაში, ეტაპობრივად ამოწმებს თემაზე მუშაობის პროცესს, გამოთქვამს შენიშვნებსა და აძლევს იუნკერს სათანადო რეკომენდაციებს;
5. ხელმძღვანელი ახორციელებს საბაკალავრო ნაშრომის შეფასებას საბაკალავრო ნაშრომის სილაბუსში მოცემული წესით;
6. ნაშრომის დასრულების შემდეგ ხელმძღვანელი ამზადებს დასკვნას, რომელიც უნდა შეიცავდეს შემდეგ ინფორმაციას: ნაშრომის დასათაურება; ნაშრომის ავტორის ვინაობა; ნაშრომის მოკლე მიმოხილვა; ნაშრომის ძლიერი და სუსტი მხარეები ნაშრომის ზოგადი შეფასება; პირადი მოსაზრება ბაკალავრის აკადემიური ხარისხის მინიჭება-არ მინიჭების შესახებ;
7. ხელმძღვანელს უფლება აქვს უარი თქვას კონკრეტული ნაშრომის ხელმძღვანელობაზე როგორც მუშაობის დაწყებამდე, ისე მუშაობის პროცესში. ამ უკანასკნელ შემთხვევაში მან წერილობით, გონივრულ ვადებში, სათანადო არგუმენტაციით უნდა მიმართოს შესაბამისი მიმართულების ხელმძღვანელს, მაგრამ არა უგვიანეს ერთი თვისა მუშაობის დაწყებიდან. ბაკალავრიატის ხელმძღვანელი, აღნიშნულ საკითხს წარადგენს ბაკალავრიატის საბჭოზე.
 - ა) ბაკალავრიატის საბჭოს დადებითი გადაწყვეტილების შემთხვევაში, მტკიცდება ახალი ხელმძღვანელი;
 - ბ) ბაკალავრიატის საბჭოს უარყოფითი გადაწყვეტილების შემთხვევაში, ხელმძღვანელი აგრძელებს მასზე დაკისრებულ მოვალეობას.
8. იუნკერს აქვს უფლება ხელმძღვანელის შეცვლის მიზნით, მიმართოს აკადემიის საპრეტენზიო კომისიას როგორც მუშაობის დაწყებამდე, ისე მუშაობის პროცესში, არაუმეტეს 1 თვის ვადაში, მუშაობის დაწყებიდან.

მუხლი 4. საბაკალავრო ნაშრომის შეფასება

1. საბაკალავრო ნაშრომის შეფასება ხდება 100-ქულიანი სისტემით. საბოლოო (შემაჯამებელი) შეფასება მოიცავს შუალედურ შეფასებებს და დასკვნით შეფასებას. თითოეულ ელემენტს აქვს თავისი პროცენტული წილი შეფასების საერთო სისტემაში. შუალედური შეფასების ელემენტი დაყოფილია კომპონენტებად, რომლებსაც აქვთ თავისი პროცენტული წილი ამ ელემენტის ფარგლებში; დასკვნითი შეფასება მოიცავს საბაკალავრო ნაშრომის საჯარო დაცვას, რომელიც ფასდება 40 ქულით. საჯარო დაცვა სავალდებულოა. საბაკალავრო ნაშრომის შეფასების კომპონენტები და კრიტერიუმები გაწერილია სილაბუსში;
2. დასკვნით გამოცდაზე დაწესებულია მინიმალური კომპეტენციის ზღვარი, მაქსიმალური შესაძლო შეფასების 50%, ანუ 20 ქულა, შუალედურ შეფასებაში დადგენილია მინიმალური კომპეტენციის ზღვარი, მაქსიმალური შესაძლო შეფასების 30%, ანუ 18 ქულა;
3. საჯარო დაცვაზე გასვლის უფლება ეძლევა იუნკერს, რომელსაც შუალედური შეფასებებისა და დასკვნითი შეფასების მაქსიმალური ქულის გათვალისწინებით უგროვდება 51 ქულა. საბოლოო (შემაჯამებელი) შეფასება წარმოადგენს შუალედური შეფასებებისა და დასკვნითი შეფასების ჯამს;
4. იუნკერი, რომელმაც საბაკალავრო ნაშრომის საჯარო დაცვაზე ვერ გადალახა მინიმალური კომპეტენციის ზღვარი (20 ქულა), მაგრამ შეფასებათა კომპონენტების ერთობლიობით (შუალედური შეფასება და დასკვნითი შეფასება) უგროვდება 41 ქულა და ზევით, დაიშვება დამატებით გამოცდაზე;
5. იუნკერი, რომელმაც საბაკალავრო ნაშრომის საჯარო დაცვაზე გადალახა მინიმალური კომპეტენციის ზღვარი (20 ქულა), მაგრამ შეფასებათა კომპონენტების ერთობლიობით (შუალედური შეფასება და დასკვნითი შეფასება) უგროვდება 41-დან 51 ქულამდე, დაიშვება დამატებით გამოცდაზე;
6. იუნკერს აქვს უფლება მიღებული შედეგები გაასაჩივროს აკადემიის საპრეტენციო კომისიაზე;
7. შეფასების სისტემა ითვალისწინებს ხუთი სახის დადებით და ორი სახის უარყოფით შეფასებას:
 - (A) ფრიადი -შეფასების 91 – 100 ქულა;
 - (B) ძალიან კარგი - მაქსიმალური შეფასების 81-90 ქულა;
 - (C) კარგი - მაქსიმალური შეფასების 71-80 ქულა;
 - (D) დამაკმაყოფილებელი - მაქსიმალური შეფასების 61-70 ქულა;
 - (E) საკმარისი - მაქსიმალური შეფასების 51-60 ქულა;
 - (FX) ვერ ჩააბარა - მაქსიმალური შეფასების 41-50 ქულა, რაც ნიშნავს, რომ იუნკერს ეძლევა იმავე საბაკალავრო ნაშრომის კიდევ ერთხელ დაცვის უფლება შედეგების გამოცხადებიდან 5 დღის შემდეგ;
 - (F) ჩაიჭრა - მაქსიმალური შეფასების 40 ქულა და ნაკლები, რაც ნიშნავს, რომ იუნკერის მიერ ჩატარებული სამუშაო არ არის საკმარისი და სტატუსის შეწყვეტის საკითხს განიხილავს აკადემიური საბჭო.
8. იუნკერი, რომელმაც გადალახა შუალედური შეფასების მინიმალური კომპეტენციის ზღვარი, დაშვებულია საბაკალავრო ნაშრომის საჯარო დაცვაზე. დაცვამდე ორი

დღით ადრე, საბაკალავრო ნაშრომი, ხელმძღვანელის დასკვნა და ნაშრომის ელექტრონული ვერსია (არქივირების მიზნით), უნდა ჩაბარდეს ბაკალავრიატს. საბაკალავრო ნაშრომის დაცვა ხდება საკვალიფიკაციო კომისიაზე;

9. საბაკალავრო ნაშრომის დაცვის თარიღს განსაზღვრავს ბაკალავრიატი და დაცვამდე არაუგვიანეს ერთი კვირისა, აწვდის იუნკერებს ინფორმაციას დაცვის თარიღის, დროისა და აუდიტორიის შესახებ;
10. განსაკუთრებულ შემთხვევაში ბაკალავრიატი უფლებამოსილია მიიღოს გადაწყვეტილება დაცვის გადავადების შესახებ;
11. ნაშრომის შეფასების ფორმა მტკიცდება საბაკალავრო ნაშრომის სილაბუსით.

მუხლი 5. საბაკალავრო ნაშრომის დაცვის კომისია

1. საბაკალავრო ნაშრომის დაცვა ხორციელდება საბაკალავრო ნაშრომის დაცვის კომისიის (საკვალიფიკაციო კომისიის) წინაშე, რომლის ფუნქციებია თანმიმდევრული და სამართლიანი შეფასების უზრუნველყოფა;
2. კომისიის შემადგენლობა მტკიცდება ბაკალავრიატის საბჭოზე, რის შესახებაც ფორმდება შესაბამისი ოქმი;
3. საკვალიფიკაციო კომისიის შემადგენლობა შეირჩევა აკადემიური პერსონალიდან. საჭიროების შემთხვევაში, შესაძლებელია გარეშე სპეციალისტების მოწვევაც, როგორც მუდმივ შემადგენლობაში, ისე ერთჯერადად;
4. საკვალიფიკაციო საბჭოს თავმჯდომარეობს ეროვნული თავდაცვის აკადემიის საბაკალავრო ან სამაგისტრო პროგრამების შესაბამისი მიმართულების ხელმძღვანელი/პროფესორი. კომისიის წევრებს შორის ერთ-ერთს ეკისრება კომისიის პასუხისმგებელი მდივნის მოვალეობა და მტკიცდება კომისიის წევრებთან ერთად; კომისიის სხდომების ოქმებს აწარმოებს პასუხისმგებელი მდივანი;
5. საბაკალავრო ნაშრომების დაცვის კომისია უფლებამოსილია შეუდგეს მუშაობას თუ დამსწრეთა რაოდენობა შეადგენს საერთო რაოდენობის ორ მესამედს მაინც;
6. დაცვის პროცედურის დოკუმენტაციის (სხდომის ოქმი, უწყისები) წარმოებაზე პასუხისმგებელია კომისიის მდივანი.

მუხლი 6. საბაკალავრო ნაშრომის დაცვის პროცედურა

1. საბაკალავრო ნაშრომის დაცვის კომისიის უფლებამოსილების ცნობის შემდეგ იუნკერი იწყებს საბაკალავრო ნაშრომის დაცვას საბაკალავრო ნაშრომის დაცვაზე წარდგენის წესის მიხედვით (დანართი N2)
2. საბაკალავრო ნაშრომის საჯარო დაცვის პროცედურა ითვალისწინებს:
 - საბაკალავრო ნაშრომის წარდგენას (15-20 წუთი);
 - კითხვა-პასუხს.
3. დაცვის პროცედურა გულისხმობს აგრეთვე, საბაკალავრო ნაშრომის შეფასებას, რომლის დროსაც სხდომა დამსწრეთათვის იხურება;
4. საბაკალავრო ნაშრომის დასკვნითი შეფასება წარმოადგენს კომისიის წევრთა

(არანაკლებ ორისა) მიერ მინიჭებული ქულების საშუალო არითმეტიკულს;

5. საბოლოო (შემაჯამებელი) შეფასება მოიცავს შუალედურ შეფასებებს და დასკვნით შეფასებას და ხორციელდება ამ დოკუმენტის მე-4 მუხლის შესაბამისად.
6. იუნკერის მიერ საპატიო მიზეზით გამოუცხადებლობის შემთხვევაში საბაკალავრო ნაშრომის დაცვის/დამატებითი დაცვაზე გასვლის უფლების მოსაპოვებლად, იუნკერმა ბაკალავრიატის ხელმძღვანელს უნდა მიმართოს შესაბამისი განცხადებით, რომელშიც დასაბუთებული იქნება გაცდენის მიზეზი. საპატიო მიზეზის არსებობის შემთხვევაში, იუნკერი გამოცდაზე დაიშვება დაცვის ჩატარებიდან არანაკლებ 5 დღეში, ბაკალავრიატის საბჭოს გადაწყვეტილებით.

მუხლი 7. საბაკალავრო ნაშრომის დამატებითი დაცვა

1. დამატებითი დაცვა ინიშნება საბაკალავრო ნაშრომის დაცვის შედეგების გამოცხადებიდან არანაკლებ 5 დღეში;
2. აკადემიური საბჭოს გადაწყვეტილებით უწყდება იუნკერის სტატუსი;
 - ა) იუნკერი, რომელიც არ გამოცხადდება დამატებით დაცვაზე და შეფასდება 0 ქულით.
 - ბ) იუნკერს, რომელმაც ვერ დაიცვა საბაკალავრო ნაშრომი, სწავლების თეორიული კურსის დამთავრების შემდეგ მიეცემა სათანადო მოწმობა (აკადემიური ცნობა) სასწავლო კურსების, მიღებული შეფასებების და კრედიტების მითითებით;
3. დაცვის შემდეგ ერთი თვის ვადაში ბაკალავრიატი ვალდებულია საბაკალავრო ნაშრომი გადასცეს არქივს.

მუხლი 8. საბაკალავრო ნაშრომის გაფორმება

1. ნაშრომის გამართვისას გამოიყენება აკადემიის აკადემიური სტილის სახელმძღვანელო, რომლითაც იუნკერი აფორმებს ნაშრომს დადგენილი წესის შესაბამისად და იყენებს სახელმძღვანელოში მოცემულ წყაროების დამოწმების წესს;
2. დაცვის პროცესში იუნკერმა უნდა გამოიყენოს საილუსტრაციო მასალა.
3. ნაშრომის გვერდების რაოდენობა ბიბლიოგრაფიის გარეშე, უნდა წარმოადგენდეს 25-50 გვერდს.
 - ა) გამონაკლის შემთხვევებში (ინფორმატიკის საბაკალავრო პროგრამისა), შესაძლებელია გვერდების რაოდენობა იყოს ამ მუხლის მე-3 პუნქტით განსაზღვრულ რაოდენობისგან განსხვავებული.

მუხლი 9. იუნკერთა განაწილება საბაკალავრო ნაშრომების ხელმძღვანელთან

1. იუნკერთა და საბაკალავრო ნაშრომის ხელმძღვანელების თანაფარდობა დგინდება ეროვნული თავდაცვის აკადემიის „აკადემიური და მოწვეული პერსონალის რაოდენობის განსაზღვრის წესის საფუძველზე“.
2. იუნკერთა მიერ, თემის არჩევისას, გათვალისწინებულია მათი კვლევის ინტერესისა და საბაკალავრო ნაშრომის პოტენციური ხელმძღვანელის ცოდნის, გამოცდილებისა და კვლევის სფეროს ინტერესის თანხვედრა;

3. იუნკერს შეუძლია თავად განსაზღვროს საკვლევი თემატიკა, რომელიც უნდა შესაბამისობაში პროგრამის სწავლის სფეროს და შეთანხმებული იყოს პოტენციურ ხელმძღვანელთან.
4. იუნკერს შეუძლია, საბაკალავრო ნაშრომის პოტენციური ხელმძღვანელების მიერ გაზიარებული კვლევის ინტერესის ინფორმაციაზე დაყრდნობით, თავად აირჩიოს შესაბამისი პირი საბაკალავრო ნაშრომის ხელმძღვანელად.

მუხლი 10. პლაგიატზე რეაგირების მექანიზმები

პლაგიატზე რეაგირების მექანიზმები განსაზღვრულია აკადემიის „პლაგიატის აღმოჩენის და მასზე რეაგირების წესში“.

მუხლი 11. დასკვნითი დებულებები

საბაკალავრო ნაშრომის მომზადების, წარდგენის და დაცვის ინსტრუქციას ამტკიცებს აკადემიური საბჭო.

საბაკალავრო საგანმანათლებლო პროგრამა:	
იუნკერის სახელი და გვარი:	
ხელმძღვანელის სახელი და გვარი:	
საბაკალავრო ნაშრომის სათაური:	
<p data-bbox="165 1128 331 1167">ხელმოწერა:</p> <div data-bbox="416 1066 1382 1245" style="border: 1px solid black; height: 80px; width: 605px; margin-left: 200px;"></div> <p data-bbox="165 1361 667 1400">თარიღი: ____ 202_</p>	

იუნკერის მიერ საბაკალავრო ნაშრომის დაცვაზე წარდგენის წესი

იუნკერი იღებს აუდიტორიაში შესვლის ნებართვას იქ მყოფ წოდებით ან სამსახურეობრივად მაღალი რანგის პირისგან, მიმართავს წოდებით და ან/და თანამდებობის დასახელებით და მიმართავს „ნება მომეცით შემოვიდე“.

ამის შემდგომ გადაადგილდება აუდიტორიაში მდგომ ტრიბუნასთან, სადაც იღებს დგომ „სმენა“-ს და მოახსენებს კომისიის წევრებს ბატონო კომისიის თავმჯდომარე, პატივცემულო კომისიის წევრებო, ქალბატონებო და ბატონებო. მოგესალმებით ეროვნული თავდაცვის აკადემიის სასწავლო ბატალიონის მე-3 კურსის იუნკერი დავით დავითაძე.

წარმოგიდგენთ საბაკალავრო ნაშრომს, თემით: „ლიდერის როლი საქართველოს თავდაცვის ძალებში“. ნაშრომის ხელმძღვანელი ტექნიკური მეცნიერებათა დოქტორი გიორგი გიორგაშვილი.

აკადემიის აკადემიური სტილის სახელმძღვანელოს მიხედვით, საბაკალავრო ნაშრომის პრეზენტაცია რეკომენდებულია შედგებოდეს (იხ. ნიმუში 1):

- თავფურცელი
- განსახილველი საკითხები
- შესავალი
- ლიტერატურის მიმოხილვა
- სხვა შესაძლო თავები/პარაგრაფები
- დასკვნა
- ბიბლიოგრაფია

ამის შემდეგ, იუნკერი იწყებს საბაკალავრო ნაშრომის წარდგენის პროცესს, რომელიც უნდა გაგრძელდეს 15-20 წუთი.

პრეზენტაციის დასრულების შემდგომ, იუნკერი მიმართავს აუდიტორიას შესაძლო შეკითხვების ქონის თაობაზე.

საბაკალავრო ნაშრომის დაცვის პროცესს იუნკერი ასრულებს სიტყვებით „იუნკერმა დავთ დავითაძემ საბაკალავრო ნაშრომის წარდგენა დავასრულე“ იღებს დგომს „თავისუფლად“ და ელოდება შემდეგ განკარგულებებს.



დავით აღმაშენებლის სახელობის სახელობის საქართველოს ეროვნული თავდაცვის აკადემია

საბაკალავრო ნაშრომის სათაური

მიმართულება:

იუნკერი:

ნაშრომის ხელმძღვანელი:

წელი



განსახილველი საკითხები



ნიმუში



შესავალი



ნიმუში



გმადლობთ ყურადღებისთვის!
კითხვები?